



## Ün franc per abitant per bügls in Africa

Scuol sustegna l'organisaziun «Solidarit'eau Suisse»



**Aua da baiver frais-cha es üna premissa per la vita umana. Perquai s'ingascha il cumün da Scuol per l'aua da baiver ill'Africa dal vest.**

fotografia: Nicolo Bass

**Na tuot las regiuns dal muond sun talmaing richas da funtanas co l'Engiadina Bassa ed impustüt il cumün da Scuol. Per pussibilitar ad umans in oters lös l'access ad aua da baiver netta sustegna il cumün la società «solidarit'eau».**

In muntogna es aua da baiver qualchosa chi exista in surabundanza. In bleras regiuns dal muond es aua frais-cha ün elemaint fich prezios, blers umans han

da cumbatter mincha di per survgnir aua da baiver netta. Üna da quistas regiuns es il Burkina Faso, situà al süd dal desert da la Sahara ill'Africa dal vest. Per sustgnair ün proget chi voul inchar funtanas e fabricar novs bügls surdà il cumün fusiunà da Scuol ün franc per abitant a l'organisaziun «solidarit'eau». Uschea vegnan insembel quist on 4865 francs.

**Surtut da l'anteriu cumün da Scuol** «L'anteriu cumün da Scuol vaiva fingià sustgnü l'organisaziun «solidarit'eau» i'ls ons 2013 e 2014», disch il chanzlist dal cumün da Scuol, Andri Florineth,

«quella jada importaiva il sustegn 2435 francs.» Culla fusiun es creschü il nomer da la populaziun ed uschè eir l'import chi vain surdat. Quists raps po l'organisaziun dovrar per lur acziuns ill'Africa dal vest. «Il cumün po tscher ner tanter differents progets da l'organisaziun», disch Florineth. Als respunsabels dal cumün da Scuol haja vaira svelto dat in ögl ün proget per bügls d'aua frais-cha i'l Burkina Faso. «Scuol sco cumün da las funtanas voul sustgnair finansialmaing la construcziun da bügls ill'Africa», intuna Andri Florineth. Uossa ha la suprastanza cumüna-



la da Scuol decis da sustgnair l'organisa-  
ziun «solidarit'eau» illa perioda dals  
ons 2016 fin 2018 cun adüna 4865  
francs l'on.

«A seis temp vaiva gnü Ernst Bromeis  
l'idea per quist sustegn», s'algora il  
chanzlist cumünal da Scuol, Andri Flori-  
neth. Il cuntschaint «ambaschadur da  
l'aua» oriund dad Ardez vaiva fat attent  
al cumün da Scuol sco lö da las funtanas  
a quista pussibilità da s'ingaschar. Uossa  
tocca eir seis cumün natal sco fracziun  
pro'l cumün fusiunà e güda a s'ingaschar  
per aua da baiver eir in Africa. Burkina  
Faso es ün dals plü povers pajais da l'Afri-  
ca ed es suvent pertoc da süttinas. Pella  
populaziun paesana significhan talas  
süttinas adüna grondas perditas da la ra-  
colta e lungs viadis per chattar aua da  
baiver. «Cun ün pitschen import dad ün  
franc pro abitant pudain nus fingià ra-  
giundscher bler», disch Florineth, «min-  
cha bügl chi'd es in funcziun in Burkina  
Faso porta vita a blera glieud.»

### Sustegn eir da vart dal turissem

Eir Urs Wohler, il directer da la Turis-  
sem Scuol Samignun Val Müstair SA  
(TESSVM), es persvas da quist ingascha-  
maint dal cumün da Scuol. «Eir la desti-  
naziun turistica es in ün möd o tsel  
intretschada cun l'aua», disch Wohler,  
«i'd es perquai eir güstifichà da s'inga-  
schar in quist möd. L'aua es eir decisiva  
per la sporta turistica illa regiun da  
Scuol», disch Wohler, «insè as basa tuot  
sün quist tema.» In connex cun l'eivna  
da l'aua s'imprometta Wohler eir ün ef-  
fet da recloma pella regiun. «In quist sen  
bivgnantain nus la collavuraziun dal  
cumün da Scuol culla «solidarit'eau»,  
disch Wohler, «persunas interessadas  
vezzan sgüra ch'eir Scuol s'ingascha per  
aua da baiver in Africa.» (anr/rgd)